

Kabajaa fi Salphinna Ilma namaa??

Description

Rabbii Ahkamal haakimiin taâ€TMeeef faaruu fi galanni hundi haa taâ€TMuu. Ilmi namaa uumamtoota baayâ€TMee caalaa kan kabajameedha. Dachii tana keessatti wanti uumama biraatiif hin laafifamne isaaf ni laafifame. Wanta uumama biraatiif hin kennamne isaaf ni kennname. Aqliin (sammuun) ittiin yaadu fi xinxallu kennaan guddaa uumamtooni baayâ€TMeen dhabaniidha. Rabbiin subhaanahu wa taâ€TMaalaa ilma namaa akka kabaje jechuun dubbata:

﴿ وَلَقَدْ كَرَّمْنَا بَنِي آدَمْ وَجَلَّنَاهُمْ فِي الْبَرِّ وَالْبَحْرِ وَرَزَقْنَاهُمْ مِنْ كُلِّ طَيْبَاتٍ وَفَضَّلْنَاهُمْ عَلَىٰ كَثِيرٍ مِمَّنْ خَلَقْنَا تَقْصِيْلًا ﴾



â€œDhugumatti, ilmaan Aadam kabajne jirra. Dachii fi galaana keessattis isaan baadhanneerra. Wantoota gaggaarii irraas soorata isaaniif kennine. Irra heddu wanta uumne irras caalchisu isaan caalchifne jirra.â€ Suuratu Al-Isra 17:70

â€œDhugumatti, ilmaan Aadam kabajne jirra.â€ Rabbiin Guddaan ilmaan Aadam akka kabajee ni mirkaneessa. Takriim (kabajuun) hiika â€œcaalchisu, guddisuu, amala wantoota biraa irraa adda isa godhu kennuufiâ€ qaba. Yommuu ilmaan Aadami fi uumamtoota biroo nutti mulâ€TMatan wal bira qabne, amaloonni ilma namaa garmalee olâ€TMaanoo fi guddaa kan taâ€TManiidha. Ilmi namaa haala bareedaa fi dhaabbata gaarii irratti uumame. Ol dhaabbate luka lamaan deema, harka isaatin ni nyaata. Beelladonni fi bineensonni biroo immoo lukaa fi harkaan lafarrta deemu, afaanin waa mummuratu fi nyaatu. Ammas Rabbiin subhaanahu wa taâ€TMaalaa ija, gurra, sammuu fi qalbii, ittiin waa argu, dhagaâ€TMuu, yaadu fi xinxallu isaaf kennee jira. Meeshaalee kanniinitti (gurra, ija, sammuu fi qalbiitti) fayyadamee beekumsa argata, wantoota haarawa argachuu fi hojjachuun jiruu ofii fooyyessa. Ammas, Rabbiin subhaanahu wa taâ€TMaalaa kitaabban buusu fi Ergamtoota erguu qalbii fi ruuhin isaanii tasgabbii fi gammachuun akka argattu taasisse. Kuni hundi kabaja Inni isaan kabajeedha. Namni kabaja kana Rabbiitti amanuu fi galata galchuun eege, kabaja kana caalutu Aakhiratti isaaf jira. Innis Jannata Firdawsati. Namni kabaja kana Rabbitti kafaruu fi Isa faallessun balleesse, warroota salphatan keessaa taâ€TMa.

â€œDachii fi galaana keessattis isaan baadhanneerra.â€ Kana jechuun dachii keessatti geejjibni beelladaa fi beellada hin taane isaan baadhachuun isaan qananiisne jirra. Akkasumas, galaana keessattis geejjibni doonii akka isaan baadhattu taasisne jirra. Wantoota gaggaarii irraas soorata isaaniif kennine.â€ Nyaataa dhugaati miâ€TMawaa fi uffata babbareedaa irraa isaaniif kennine. Wanti gaariin haajaa isaanitiin wal qabate tokkollee hin jiru kan Rabbiin wanta sanuin isaan kabajee fi garmalee isaaniif laaffise yoo taâ€TMee malee. â€œIrra heddu wanta uumne irras caalchisu isaan caalchifne jirra.â€

Uumamtoota baayâ€™ee caalaa amalaa fi kennaad addaa isaaniif kennuun ilmaan Aadam caalchifne jirra. Kennaad fi qananii addaa isaaniif kennuun uumamtoota hedduu irra erga caalchise, Rabbii isaan qananiisef galata hin galchanii ree?[\[1\]](#)

Toolee, Rabbiin subhaanahu wa taâ€™aala ilma namaa qananii addaa addaatin erga kabaje, namoota baayâ€™ee maaltu salphise ree? Jireenyi isaanii jirenyaa salphinnaa kabaja hin qabne maaliif taate? Kuni salphinna addunyaa tanaa yeroo gabaabaf turuudha. Garuu salphinni Aakhira kana kan caalu fi zalaalamiif kan turuudha. Dubbiin erga akkana taâ€™ee, kabaja Rabbiin nu kabaje itti fufsiisuu fi salphinna jalaa bahuuf sababootaa salphinnaa fi kabajaatti nama geessan beeku qabnaa miti ree? Dhugumatti Qurâ€™aanni guuttun gara kabajaatti nama waama, salphinna irraa nama akeekachisa. Mee boqonnaalee (suuraalee) Qurâ€™aanaa irraa boqonna tokko fudhachuun waaâ€™ee salphinnaa fi kabajaa haa ilaallu. Suurahn tuni suuratu At-Tiin jedhamti. Gargaarsa Rabbiitiin tafsiira waliin haala armaan gadiitiin irratti haa xinxallinu:

وَالرَّيْتُونِ ﴿١﴾ وَطُورِ سِينِينِ ﴿٢﴾ وَهَذَا الْبَلْدُ الْأَمِينِ ﴿٣﴾ لَقَدْ خَلَقْنَا الْإِنْسَنَ فِي
نُوِيمِ ﴿٤﴾ ثُمَّ رَدَدْنَاهُ أَسْفَلَ سَافِلِينَ ﴿٥﴾ إِلَّا الَّذِينَ ءَامَنُوا وَعَمِلُوا الصَّلِحَاتِ فَلَهُمْ
مَمْنُونِ ﴿٦﴾ فَمَا يُكَذِّبُكَ بَعْدُ بِاللَّهِينِ ﴿٧﴾ أَلَيْسَ اللَّهُ بِأَحْكَمُ الْحَكَمِينِ ﴿٨﴾

â€œ(1) Tiini fi Zaytuuniin kakadhe. **(2)** Gaara Siiniinaatinis. **(3)** Biyya nagahaan tanaanis kakadhe. **(4)** Dhugumatti Nuti nama dhaabbi irra gaarii taâ€™e keessatti isa uumne. **(5)** Ergasii bakka warra jalaa hundarra gadi aanaa taâ€™etti isa deebifne. **(6)** Garuu isaan amananii fi hojii gaggaarii dalagan, isaaniif mindaa addaan hin cinnetu jira. **(7)** Kana booda maaltu mindaa [Qiyaamaa] kijibsiisutti si kaasee? **(8)** Sila Rabbiin irra murteessaa warra murteessanii hin taanee?â€ Suuratu At-Tiin 95:1-8

Hiika jechoota muraasaa:

Tiin- firaafire miâ€™aawa Filisxeemi fi biyyoota jiddu-galaa baha keessatti argamuudha. Fakkii armaan gadi irraa ilaalun ni dandaâ€™ama:



Tiin (fig)

Zaytuuni- firaafire baayâ€™ee barbaachisa taâ€™e kan nyaatamu fi zeeytin irraa cuunfamuudha. Gurraacha fi daallachatu jira. Dhandhamni isaa hin hadhaawus hin miâ€™aawus. Dhandhama jiddu galeessaa qaba. Fakkii armaan gadi irraa ilaalun ni dandaâ€™ama:



Zaytuun (Olive)

Gaara Siiniinaâ€“ gaara Sinaaâ€™i Rabbiin subhaanahu wa taâ€™aala Nabii Muusaa (aleyh salaam) itti haasofsiisedha.

Biyya nagahaa tanaa-biyyi nagaha tuni Magaalaa Makkaati.

Kijibsiisuâ€“ kijiba akka taâ€™etti amanuu ykn yaadu.

Tafsiir (Ibsa):

Rabbiin subhaanahu wa taâ€™aala dhimma garmalee barbaachisa taâ€™e tokko beeksisuу yoo barbaade, wanta fedheen kakata. Boqonna tana keessatti wantoota afuurin kakate: Tiin, Zaytuuni, Gaara Siiniinaa fi magaalaa Makkaati. Hayyoonni Qurâ€™aana ibsan sababa wantoota kanaan itti kakateefakkana jechuun ibsu:

1ffaa- Tiini fi Zaytuunin kan kakateef faayda baayâ€™ee waan qabanii fi bakki baayâ€™innaan isaan itti biqilan lafa Filisxeemi fi naannaâ€™a ishiiti. Filisxeemi immoo bakka nabiyummaan Iisaa ibn Mariyam (aleyh salaam) itti mulâ€™ateedha.

2ffaa- Gaarri Sinaaâ€™i immoo bakka nabiyummaan Muusaa (aleyh salaam) itti mulâ€™ateedha.

3ffaaâ€“ Magaalaan Makkah immoo bakka nabiyummaan Muhammad (SAW) itti mulâ€™ateedha.

Rabbiin subhaanahu wa taâ€™aala iddoolee qulqulluu kanniin kan nabiyoota hundarra kabajamoo taâ€™an keessaa ergeen kakate. Wanti irratti kakatame: **â€œDhugumatti Nuti nama dhaabbi irra gaarii taâ€™e keessatti isa uumne.â€•** Kana jechuun uumama guutuu, kutaalee qaamaa walitti galan, dhaabbata sirrii irratti isa uumne. Keessaa fi alaan wanta isa barbaachisu hin dhabne.[2]

Gaafinakkana jedhu kaâ€™uu dandaâ€™a, â€œHariiroon wantoota darbaniin kakachuu fi hima armaan olii jidduu jiru maaliidhaa?â€•

Deebiin isaa, â€œRabbiin subhaanahu wa taâ€™aala ilma namaa haala fi dhaabbi bareeda irratti erga uumee, akkanumatti hin dhiisne. Haalli bareedaan namaa kuni keessaa alaan akka itti fufuu fi guuttamuuf

qajeelfama isa qajeelchu isa barbaachisa. Miidhaginni fi kabajni namaan itti fufuu fi guuttamu, yoo Rabbii isaa beeke, Isatti amanee fi Isaaf ajajameedha. Kanaafu, Rabbii isaa akka beekuf, kabajaa fi mindaa guddaa akka argatuu fi salphinna irraa akka baraaramuuf kitaabbanii fi ergamtoota ergeef. Kanaafi, iddo ergamtooni gurguddoon kunniin keessaa ergamaniin kakate.â€ Iddolee kitaabban itti buâ€™anii fi ergamtooni Isaa itti ergaman kanaan kakachuun guddinna fi gatii ergaalee kitaabban kunniin of keessaa qaban argisiisa. Kitaabban kunniin ilma namaan wanta irra gaaritti qajeelchun sadarka olâ€™aanatti olkaasu. Namni Rabbitti amanee fi kitaabban kanniin fudhatee fi hordofe, addunyaa tana keessatti ni kabajama. Kabajaa jalqabaa Rabbiin isa kabaje ni eeggata. Kabajaan kuni itti fufuun Aakhiratti hanga Jannata Firdawsa gaha. Namni Rabbitti hin amanee fi kitaabban Isaatti hin bulle immoo warroota salphatan keessaa taâ€™a. Kanaafi, itti aansun akkana jedhe;

â€œErgasii bakka warra jalaa hundarra gadi aanaa taâ€™etti isa deebifneâ€
Aayah keessatti, â€œAsfala- hundarra gadi aanaaâ€ saafiliin- warra jalaa (gadii)

Rabbiin subhaanahu wa taâ€™aalaa ilmaan namaan dhaabbataa fi haala bareedaa irratti uume. Ergasii sadarkaa gara Jannataa ol bahuu fi gara ibidda gadi buâ€™uu taasise. namni fedhii ofiitiin amanee fi Rabbiif ajajame, iimaana fi hojji isaa irratti hundaaâ€™e Jannata keessatti Rabbiin sadarkaa isaa olkaasa. Namni kafaree fi yakka gurguddaa keessatti lixe immoo Jahannam keessatti sadarka gadi aanatti gadi isa buusa. Kufrii fi badii isaa irratti hundaaâ€™e hanga warroota gara jalaa jiran caalaa gadi aana taâ€™utti gaha. Sadarka gadi aanatti gadi buusun seera Rabbii haqa taâ€™eedha.

Nama kana irratti yaanni kuni dhugaa taâ€™a: Rabbiin subhaanahu nama kana uumama isaa jalqabaa irraa kaase dhaabbata miidhagaa irratti isa uume. Garuu fedhii bilisaa ofiitiin kafaruun, badii hojjachuun, daangaa darbuun sadarkaa olâ€™aanaa irraa gara sadarka gadi aanatti of darbe. Hojji isaatiin sadarkaa gadi aanatti gadi buâ€™uu itti fufuun hanga asfala saafiliin (warroota gadi aanan caalaa gadi aanaa) taâ€™utti gaha.

Namni kuni fedhii bilisaa isaatiin nafsee ofii irratti yakka dalaguun warra gadi aanan caalaa gadi aanaa taâ€™uun seera Rabbii jazaa (mindeessutiin) guuttamee jira. Rabbiin seera jazaa lafa godhee jira. Namni ijaarsa garmalee dheeraa (fooqi) irraa dhagaa irratti of darbe, namni kuni caccabuun ni duâ€™a. Namni araada fafee suusi godhate, Rabbiin araada fafee kana irratti itti fufsiisuun isa adaba. Namni fedhii ofiitiin ibiddatti of darbe, Rabbiin ibidda keessatti isa guba. Haaluma kanaan, namni Rabbitti kafaree fi duâ€™a dura hin tawbanne, ibidda isa seensisun isa adaba. Kuni seeraa jazaa Rabbiin lafa kaaâ€™edha[3]

Warra gadi aanan keessaa taâ€™uun addunyaa tanattis ni taâ€™a. Addunyaa tana keessatti, badii adda addaa hojjachuun sadarkaan garmalee kan gadi aanu taâ€™a. Mee haa ilaallu hawaasa addunyaa yeroo ammaati fi yeroo duri. Namoonni garmalee haafayuun, of jaallachuun, fedhii foonii hordofuun, araada fafeen qabamuun, dallansuu fi kan kana fakkaataniin sadarka gaditti gadi buâ€™u. Mee fakkeenyaa tokkotti xinxalli: Yommuu sabni tokko diinummaa biyya ykn saba biraatif qabuun yoo jaame, wanta bineensi bosonaa hin raawwanne raawwata. Bineensi bosonaa wanta adamsu nyaata qofaaf barbaada. Garuu namni sanyii isaa lafarraa duguuguuf fiiga. Bineensi kottee isa fayyadama, namni garuu sammuu isaatiin qawwee, boonbi fi niwukilarii oomishuun ummata guutuu fixa. Gadoo ofii bahuuf dubartoota irratti miidhaa gudeeddaa hangana hin jedhamne geessa, warra fuunduratti ijoolle isaanii ajjeesa. Ilmi namaan jiraa gubama. Namni dhaabbata bareeda irratti haa uumamu malee wanta bineensi bosonaa hin raawwanne raawwata.

Ammas gama amantiitin yoo ilaalle: Rabbii guddaa isa uume dhiise dhagaa, muka, beelladoota fi namoota akka isaa gabbara (waaqefata). Fedhii ofii hordofuun iddoolee amantii [4] fi bakka biraatti sagaagalummaa raawwata. Haala kanaan gadi aantota keessaa caalatti gadi aanaa taâ€™a.


Rabbiin sammuu itti yaadu isaaaf kenuun wantoota uumee hedduu caalaa isa kabaje. Garuu namni Rabbitti kafaruu fi badii hojjachuun kabaja kana ofiraa mulqee Jahannam keessatti warra gadi aanan keessaa gadi aanaa taâ€™a. Namoonni amananii fi hojii gaggaarii hojjatan immoo kabaja Rabbiin isaan kabaje tiikfachuun Aakhiratti sadarka olâ€™aanaa irra gahu. Kanaafi, itti aansunakkana jedha:

â€œGaruu isaan amananii fi hojii gaggaarii dalagan, isaaniif mindaa addaan hin cinnetu jira.â€
Warrooni arkaana iimaana jahanatti amanan, dalagaa gaggaarii Rabbii fi Ergamaan Isaa itti ajajanii fi itti kakaasan hojjatan, akkasumas, hojii badaa irraa fagaatan, mindaan isaaniif kennamu mindaa addaan hin cinneedha. Mindaan kuni Jannata qananiin ishii guutuu itti fufaa taâ€™eedha. Addunya tana keessatis wanta gadi buâ€™aa fi salphinna irraa of tiiksun kabaja Rabbiin isaan kabaje itti fufsiisu.

â€œKana booda maaltu mindaa [Qiyaamaa] kijibsiisutti si kaasee?â€ Yaa nama! Mallattolee Rabbii baayâ€™ee isaanii yaqiina (mirkanefanna) akka argattu si taasisan argite osoo jirtu maaltu Guyyaa Murtii akka kijibsiistu si taasise? Ammas, qananii Inni sirratti oole akka hin wakkaanne kan si taasisu osoo argitee jirtu maaltu Guyyaan Qiyaamaa kijiba akka taâ€™etti akka yaaddu si taasise? Dhugumatti, jalqaba uumama keeti fi kan biroo bartee jirta. Kan jalqaba uumuu dandaâ€™e lamuu deebisuu irratti caalatti dandaâ€™aa akka taâ€™e ni beekta. Kanaafu, kana beekte osoo jirtu maaltu Guyyaa Qiyaamaa kijibsiisutti si kaasee?

â€œSila Rabbiin irra murteessaa warra murteessanii hin taanee?â€ Rabbiin warroota murtii kennan caalaa abbaa murtii gonkumaa nama hin miinedha. Namni fedhii qullaa (hawaa) waan hordofuuf ykn beekumsi isaa hanquu waan taâ€™eeef nama miidha. Rabbiin subhaanahu wa taâ€™aalaa fedhii qullaa (hawaa) irraa qulqulluu waan taâ€™eefi beekumsi Isaa guutuu waan taâ€™eeef nama hin miidhu. Namoonni addunyaa tana keessatti karaa adda addaatin wal miidhu, wal cunqursu. Kan cunqurse adabbii isaaaf maluu osoo hin argatin duâ€™aa jira, kan cunqurfames osoo haqa isaa hin argatin duâ€™aa jira. Mee ilaali mootota abbaa irree fi ummata miskiina kallatti afraniin addunyaa keessatti cunqurfamaa fi miidhamaa jiran. Kuni hundi haqa malee akkanumatti badee hafaa? Gonkumaa hin hafu. Kanaafu, Guyyaan namni miidhame haqa isaa itti argatu, namni miidhes adabbi isaaaf malu itti adabamu jiraachu qaba. Kunis Guyyaa Qiyaamati. Namoota duâ€™an osoo hin kaasinii fi isaan jidduutti osoo hin murteessin akkanumatti dhiisun wanta Rabbiif maluu?

Toolee hanga kana kabajaa fi salphinna erga ilaalle, gaafi keenya jalqabaatti haa deebin: Sababooni kabajaa fi salphinnaa maalii? Jalqaba, salphinni guddaan salphinna Guyyaa Qiyaamati. Salphinni kunis Jahannam keessatti warroota gadi aanan keessaa hundarra gadi aanaa taâ€™uudha. Kanaafi, Nabii Ibraahim (aleyh salaam)akkana jechuun duâ€™aayi akka godhe Qurâ€™aanni nuuf hima:



â€œGuyyaa isaan kaafaman na hin salphisin.â€ Suuratu Ash-shuâ€™uraaâ€™i 26:87

Sababoони salphinnaa fi gadi aantummaa addunyaa fi Aakhiratti nama geessan gurguddoon: Rabbitti kafaruu (Isatti amanuu diduu), Guyyaa Qiyaamatti fi arkaana iimaana hafanitti amanuu diduu, Rabbiif ajajamu diduu fi badiiwwan gurguddaa raawwachuuudha.

Sababoони kabaja ofii akka eeggatanii fi sadarkaa olâ€™aana irra akka gahan nama taasisan immoo: Rabbitti, Guyyaa Qiyaamatti, Malaykotatti, Kitaabban Isaatti, Ergamtoota Isaatti fi Murtii Isaatti amanuu fi hojii gaggaarii hojjachuudha. Gabaabumatti iimaanaa fi hojii gaggaariidha. Hojii gaggaarii keessaa salaata sirnaan salaatun bakka guddaa qaba.

Hubachiisa: Tarii kaafironni yommuu qabeenya fi humnaan olâ€™aantumma argatan, kabajaa fi sadarka guddaa irra geenye jirra jechuun yaadu dandaâ€™u. Garuu yoo kufrii fi hojii badaa isaanii irraa hin tawbatin, Guyyaa Qiyaamaa asfala saafiliin (warra gadi aanan keessa hundarra gadi aantota taâ€™u). Qabeenya fi humni isaan harâ€™a ittiin of tuulan boru homaa isaan hin fayyadu. Akkuma salphinni guddaan salphina Aakhirah taâ€™e kabajni fi sadarkaan guddaan kabaja fi sadarka Aakhiraati. Qurâ€™aanaa keessatti:

يَقِنَّا بِعُضَّهُمْ عَلَى بَعْضٍ وَلَلآخرة أَكْبَرُ دَرَجَتٍ وَأَكْبَرُ تَفْضِيلًا ﴿١٦﴾

â€œAkkamitti garii isaanii garii irra akka caalchifne ilaali. Haa taâ€™uu malee Aakhiratu sadarkaa fi irra caalchisutti irra guddoodha.â€ Suuratu Al-Israa 17:21

نَّ لِلّذِينَ كَفَرُوا أَلْحِيَةُ الدُّنْيَا وَيَسْخَرُونَ مِنَ الَّذِينَ ءَامَنُوا وَالَّذِينَ

فَوْهُمْ يَوْمَ الْقِيَمَةِ وَاللَّهُ يَرْزُقُ مَن يَشَاءُ بِغَيْرِ حِسَابٍ ﴿٢٢﴾

â€œIsaan kafaraniif jireenyi addunyaa miidhagfamte jirti, warra amananitti ni qosu. Garuu warri Rabbiin sodaatan Guyyaa Qiyaamaa isaanii ol taâ€™u. Rabbiinis nama fedheef lakkoofsa malee soorata kenna.â€ Suuratu Al-Baqarah 2:212

Guduunfaa

âž| Namni akkuma iimaanni isaa cimuu fi hojii gaggaarii baayâ€™innaa fi qulqullinnaan hojjatuun, kabajni fi sadarkaan isaa eeggamaa fi dabalamo adeema. Hanga Jannata Fardaws gahuutti kabajni fi sadarkaan isaa dabalu itti fufa.

âž| Namni kafaree fi hojii badaa hojjachuutti fufe immoo, kabajni fi sadarkaan isaa gadi buâ€™aa adeema. Sadarkaan isaa gadi buâ€™uun Jahannam keessatti hanga warroota gadi aanan keessaa hundarra gadi aanaa taâ€™utti gaha.

âž| Rabbiin ilmaan nama dhaabbataa irra gaarii fi haala miidhagaa irratti uume fi qananii adda addaan isaan kabaje jira. Karaan miidhaginnaa fi kabaja Inni namaaf kenne itti tiikfatan: *Rabbitti, Guyyaa Qiyaamatti, Malaykotatti, Kitaabban Isaatti, Ergamtoota Isaatti fi Murtii Isaatti (qadaratti) amanuu fi hojii gaggaarii hojjachuudha.* Akkasumas, hojii badaa irraa fagaachu fi araarama Rabbiin kadhachuudha.

Umar bin Al-Khaxxaab akkana jedhaa ture: ﴿نَعْلَمُ مَا تَرْكَ بَنِي إِلَيْنَا مِنْ أَهْلِ الْمَدِينَةِ وَمَا لَمْ يَرْكَبْ بَنِي إِلَيْنَا مِنْ أَهْلِ الْمَدِينَةِ فَلَا يَرْجُوا أَنْ يُؤْتَوْنَا مِنْ أَنْفُسِهِمْ مَا لَمْ يَرْكَبْ بَنِي إِلَيْنَا مِنْ أَهْلِ الْمَدِينَةِ﴾. Wanta Rabbiin ittiin nu jabeesse dhiisne wanta biraatin jabeenya yoo barbaanne, Rabbiin nu salphisa.﴾

Kitaabban wabii:

- [1] Maâ€™aariju Tafakkuri wa daqaaâ€™iqu tadabburi 9/688-690, Tafsiiru Ibn Kasiir 5/97, Tafsiiru Saâ€™adii 538-539
- [2]Tafsiiru Saâ€™adii 1097
- [3] Maâ€™aariju Tafakkuri- 2/406-407
- [4] <https://quran.com/95>, ABUL ALA MAUDUDI(WITH TAFSIR)

Date Created

July 27, 2019

Author

admin